



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri De Dusburg, Ordinis Teutonici Sacerdotis, Chronicon Prussiae

Petrus <de Dusburg>

Francofurti ; Lipsiae ; Regiom. Pruss., 1679

Cap. CCCXXXIX. De Destructione Ducatus & Civitatis Dobrinensis, &
occisione & captione IX. millium Christianorum.

urn:nbn:de:hbz:466:1-11850

Hoc anno tertio die post festum B. Gregorii Papæ, Lethovvini de Samechia cum exercitu suo expugnaverunt Civitatem Memclam & unum sacerdotem fratrem Ordinis domus Teutonicæ occiderunt. LXX. quoque homines in ea ceperunt, quorum quidam interfecti sunt, alii in captivitatem perpetuam deducti, ipsam Civitatem & tria circumjacentia Castra neophytorum, cogas & naves alias, & quicquid igne consumi potuit præter solum Castrum in quo fratres habitabant in cinerem redegerunt.

CAP. CCCXXXIIX.

De

Morte fratris Friderici Quitz & vastatione territorii VVilovv.

IN vigilia B. Petri ad vincula anno prædicto Lethovvini intraverunt terram Sambia & in territorio Wilovv sex villas combusserunt, & fratrem Fridericum dictum Quiz virum audacem & in armis strenuum & XXXVI. viros interficientes, mulieres & parvulos cum præda alia deduxerunt.

CAP. CCCXXXIX.

De

Destructione Ducatus & Civitatis Dobrinensis, & occisione & captione IX. millium Christianorum.

IN die exaltationis Sanctæ Crucis ejusdem anni Lethovvini videntes, quod omnia succederent eis ad votum, congregato iterum exercitu valido venerunt ad Ducatum nobilis matronæ Ducissa de Dobrin, & sex millia hominum utriusque sexus, alios

trucidando, quosdam vero ad perpetuam suæ gentilitatis servitute miserabiliter ducendo interemerunt; Præterea septem Sacerdotes plebanos & duos fratres Ordinis S. Benedicti, & cum his omnibus sexaginta Clericos, tam ordinatos, quam inordinatos, extra & intra (a) scholæ loca repertos occiderunt. Item X. Parochiales Ecclesias ad capitalem dicti Ducatus Civitatem, dictam Dobrin, captis & occisis in illa duobus millibus Christianorum, & cunctas Ducatus villas per incendium vastarunt. Insuper & cum damnis præfatis tot & tanta diversarum rerum spolia abduxerunt, quod Christi fidelibus in perpetua gentilitatis servitute permanens dicti Ducatus terra damna memorata (lugubri memoriâ benè digna) vix, aut nunquam, potuit recuperare; & indubitanter formidandum est & dolendum, quod per dicti Ducatus anni hilationem patebit aditus infidelibus ad Christianorum terminos contiguos & vicinos. Ecce quanta mala fidei Christianæ & fidelibus infra spacium unius anni & dimidii sunt exorta, quia ferè XX. millia hominum Christianorum ab infidelibus occisa & in servitute perpetuam sunt deducta, & multæ Civitates & Castra penitus sunt destructa.

ANIMADVERSIO.

(a) Antiquitus in Ecclesia Christiana ipsi Episcopi in Scholis juventutem instituebant. Illustris olim fuit Schola Alexandrina, in qua docuerunt Pantenus, Clemens Alexandrinus, Origenes, & alii plurimi. Similiter Cæsareæ in Palæstina fuit Schola cujus Præses Origenes, Pamphilus aliique fuerunt. Sic etiam Anatolius Laodicensis Episcopus Aristotelicam Scholam instituisse dicitur. Niceph. *lib. 5. Hist. Eccl. cap. 36.* Gregorii Nazianzeni auditores fuerunt S. Hieronymus, Evagrius &c. Diodoro Tarsensi Episcopo in Ecclesia divinas literas profitente, accurrebant discipuli Joannes Chrysostonus, Theodorus qui deinde Mopsvestæ Episcopus fuit, Maximus Episcopus Seleuciæ, alii. De Eusebio Emiseno *Vid. Chrysost. in Psalm. 49.* De Ablavio Niceæ Episcopo, qui Rhetoricam docuit in urbe *Vid. Socrates lib. 7. Hist. Eccl. cap. 12.* Ex re-

centioribus pertractant hanc materiam fusè, Centuriatores Magdeburgenses per singula Secula, & Ludovicus Cresfollius in *Myflagogo lib. 2. cap. 13. sect. 13. pap. 277. seqq.* Postea Episcopis hoc onus subterfugientibus in Monasteriis solebant Scholæ institui, ut præcipit Carolus M. in *Capitular. cap. 72.* Multa hic cumulare exempla operæ non est, cum alii hoc jam præstiterint. Dusburgius etiam hoc testari potest, qui Clericos in Scholis trucidatos esse refert.

CAP. CCCXL.

De

Morte quorundam Lethovinorum.

HOc etiam anno tempore messium frater Henricus Comendator de Tapiovv cum octo fratribus & CCC. viris equitavit ad Campum (a) Semegalliæ, qui ex oppositò Castrî Pastoviæ situs est, & messores (b) Lethovvinorum quos quæsit non invenit laborantes, propter tempus pluviale receptis ergò XXXIV. equis, rediit. Sed Lethovvini sequentes cum venirent ad locum, ubi fratres posuerant Insidias, unus missâ forte secundum ritum gentilitatis clamavit altâ voce: Cito revertamur insidiæ Teutonicorum fratrum sunt hîc. Quo audito dum Lethovvini recederent fratres de insidiis exilientes sequebantur, & ex eis XII. occiderunt.

ANIMADVERSIONES.

- (a) Provincia hæc ultima est, quæ restitit Ordini Teutonici in Livonia. Singuli enim ferè Magistri Livonici in Semgalliam expeditiones suscepisse leguntur, usque ad Conradum ab Herzogenstein, quem circa An. 1288. Semgallos sub jugum missile refert Balth. Russovv. *Part. II. Chron. Livon. pag. 30.* Sed ex hoc loco Dusburgii colligimus, etiam post tempora Conradi illius Semgallos rebellasse.
- (b) Lithvanis sese Curoni & Semgalli subjecerunt, ne ab Ordine Teutonico Religionem Christianam suscipere cogerentur. *Vid. Notas ad cap. LXXXI.*

CAP.